

Inatsimmut, Kalaallit Nunaanni eqqartuussisaatsimut inatsisip (pinerluttulerinermi il.il. meeqqat inuusuttullu videokkut apersorneqartarnerat) allannguutissaatut siunnersuummut Namminersorlutik Oqartussat oqaaseqaatissaannut Inatsisartut aalajangiiffigisassaattut siunnersuut

(Pinngortitamut, Avatangiisinut Inatsisinillu Atuutsitsinermit Naalakkersuisoq)

Akissuteqaat

(Pinngortitamut, Avatangiisinut Inatsisinillu Atuutsitsinermit Naalakkersuisoq)

Aappassaanneerpeqarnera

Inatsisinut Ataatsimiititaliaq video atorlugu apersuisarnej pillugu siunnersuummik peqqissaartumik suliarinninneranut Naalakkersuisut qutsavigaat.

Inatsisinut Ataatsimiititaliap siunnersuut tapersersormagu Naalakkersuisut nuannaarutigalugu tusaatissatut tiguaat. Naalakkersuisut neriutigaat Inatsisartut ataatsimoortut siunnersuut tapersissagaat aammalu suliap eqqartuussivimmi oqartussaasunit suliarineqaleraagat meeqqat inuusuttullu sakkortuumik pinerluttuliorfigineqarsimasut sapinngisamik annertunerpaamik qajassuunneqartarnissaat qulakkeernejqassasoq.

Naalakkersuisut Inatsisinut Ataatsimiititaliap oqaaseqaatai tusaatissatut tiguaat. Inatsisartut siunnersuut aammalu Inatsisinut Ataatsimiititaliap isumaliutissiissutaa tapersissappassuk, Naalakkersuisut ataatsimiititaliap inassuteqaatai piaartumik malersoqqissavaat aammalu suliap ingerlanera taanna pillugu Inatsisinut Ataatsimiititaliaq malinnaatissallugu.

Siunnersuut akuerineqassasoq Naalakkersuisut inassutigaat.